



## Publicaziuns officialas dils 13-11-2020

---

### Damonda da baghegiar

Nr. 125/2020

Datum da publicaziun: 13-11-2020  
Patrun: Gallati Matthias, 8700 Küssnacht  
Liug e parcella: Cumpadials-Caplut; 2937  
Object: construcziun d'ina seiv

Nr. 126/2020

Datum da publicaziun: 13-11-2020  
Patrun: Giger Emanuel, 7173 Surrein  
Representant: biro d'architectura LBA, 7203 Trimmis  
Liug e parcellas: Surrein-Giachentrina; 6455  
Object: sanaziun ed engrondaziun stalla

Nr. 127/2020

Datum da publicaziun: 13-11-2020  
Patrun: Tomaschett-Deragisch Jacinta, 7167 Zignau  
Liug e parcellas: Surrein-Val Dadens; 5235  
Object: sanaziun ed engrondaziun tegia da mises

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### Nr. 121/2020

Pleiv Sumvitg, 7175 Sumvitg; lavurs da manteniment vid plaz e scala sper baghetg nr. 427B sin parcella nr. 236 a Rabius-Via Surrein.

#### Nr. 123/2020

Daniel Maissen SA, 7172 Rabius; lavurs da manteniment vid tetgs dils baghetgs nr. 523-B e 523-C sin parcella nr. 178 a Rabius-Luven.

Sumvitg, 13-11-2020

*Cumissiun da baghegiar*

### Clom da quens

Il quen communal vegn serraus cun ils **31 da december 2020**. Per saver risguardar las expensas fatgas uonn el quen da gudogn e sperdita ein tut quels che han aunc dabiens viers la vischnaunca supplicai da dar quen sil pli tard entochen ils **14 da december 2020**. Nus supplichein tuttas fatschentas sco era ils officials da vischnaunca d'observar quei termin.

Sumvitg, 13-11-2020

*Suprastonza communal*

## **Votaziuns federalas ed elecziun communalas dils 29-11-2020 mira pagina 3 da quest FUS**

**L'urna ei aviarta** (en canzlia communalas)

gievgia e venderdis mintgamai duront las uras da spurtegl  
dumengia, ils 29-11-2020, dallas 10.00 – 11.00 uras

**Sonda e dumengia, ils 28 e 29 da november 2020 mintgamai avon il survetsch divin en las fracziuns.**

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communalas.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 13-11-2020

*Biro electoral*

## **Pignola da Nadal**

L'administraziun forestala porscha uonn negina vendita da pignola. Ella recamonda da retrer il pigniel da Nadal dallas uniuns da giuventetgna dalla vischnaunca.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eisi da pinar en plantaziuns, egl Uaul da Puzastg e curtins da schurmetg encunter selvaschinas. En uauls privats eisi scumandau da pinar pignola senza ina lubientscha dil possessur d'uaul.

Per il schurmetg digl uaul recumandain a scadin da pinar il pigniel da Nadal cun precauziun e senn da responsabladad. Cunterfatgas vegnan punidas tenor il regulativ forestal.

Sumvitg, 13-11-2020

*Uffeci forestal Sumvitg*

## **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2020** digl onn precedent cul formular corrispondent tier l'administraziun communalas. Nus supplichein per notizia da quest avis.

Sumvitg, 13-11-2020

*Cumissiun Greina*

## **Uniun da dunnas Sumvitg/Cumpadials**

**Sentupada d'advent 60 plus**

La sentupada d'advent 60 plus ch'era prevedida uonn gievgia, **ils 26 da november 2020**, a Sumvitg stuein nus strihar muort la situaziun actuala da Corona. Nus giavischein a tuttas senioras e tuts seniors buna sanadad. *Uniun da dunnas Sumvitg/Cumpadials la suprapronza*